

**BOSNA I HERCEGOVINA  
FEDERACIJA BOSNE I HERCEGOVINE  
VLADA**

**PRIJEDLOG**

**ZAKON  
O IZMJENI I DOPUNAMA ZAKONA O FEDERALNIM UPRAVNIM  
TAKSAMA I TARIFI FEDERALNIH UPRAVNIH TAKSI**

**Sarajevo, juli 2017. godine**

## **PRIJEDLOG ZA DONOŠENJE ZAKONA PO HITNOM POSTUPKU**

Odredbama člana 191. stav 2. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07 i 2/08), propisuje se sljedeće: **“Po hitnom postupku može se donijeti samo zakon kojim se uređuju odnosi i pitanja za čije uređivanje postoji neodgodiva potreba i ako bi donošenje zakona u redovnom postupku moglo izazvati štetne posljedice za Federaciju”**.

Također, u članu 186. stav 2. Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03 i 21/09) propisuje se: **“Izuzetno po hitnom postupku može da se donese samo zakon kojim se uređuju odnosi i pitanja za čije uređivanje postoji neodgodiva potreba i ako bi donošenje zakona u redovnom postupku moglo izazvati štetne posljedice za Federaciju”**.

Zakon  
o izmjeni i dopunama Zakona o federalnim upravnim taksama i  
Tarifi federalnih upravnih taksi

Član 1.

„U Zakonu o federalnim upravnim taksama i Tarifi federalnih upravnih taksi („Službene novine Federacije BiH“, br. 6/98, 8/00, 45/10 i 43/13) u **Tar. br. 7.** iza tačke 5. dodaju se nove tač. 6. i 7. koje glase:

6. „Za rješenje o prijemu državljanstva za lica koja imaju status izbjeglice“ 100,-

7. „Za posebnu saglasnost iz člana 26. Zakona o agencijama i unutrašnjim službama za zaštitu ljudi i imovine“ („Službene novine Federacije BiH“, br. 78/08 i 67/13) 30,-

U Tarifi federalnih upravnih taksi **Tar. br. 48.** briše se.

Član 2.

Ovaj Zakon stupa na snagu osmog dana od dana objavljivanja u „Službenim novinama Federacije BiH“

## **OBRAZLOŽENJE**

### **I. USTAVNI OSNOV**

Ustavni osnov za donošenje ovog zakona sadržan je u članu III. 1. tačka c) koji je izmijenjen amandmanima VIII, LXXXIX i CVI i članu IV. A. 20. (1) j) Ustava Federacije Bosne i Hercegovine, prema kojem je u isključivoj nadležnosti Federacije donošenje propisa o finansijama i finansijskim institucijama Federacije i fiskalna politika Federacije, a Parlament Federacije, uz ostala ovlaštenja predviđena Ustavom, odgovoran je za donošenje zakona o oporezivanju i osiguranju potrebnog finansiranja na drugi način.

### **II. RAZLOZI ZA DONOŠENJE ZAKONA**

Zakon o federalnim upravnim taksama i Tarifi federalnih upravnih taksi („Službene novine Federacije BiH“, br. 06/98, 08/00, 45/10 i 43/13), primjenjuje se od 1998. godine, s tim da je u 2000. godini izvršena izmjena određenih tarifnih brojeva, odnosno visine iznosa upravne takse u skladu sa nadležnostima pojedinih ministarstava.

U proteklom periodu došlo je do značajnih organizacionih promjena koje se odnose na ministarstva, kao i nadležnosti za izdavanja određenih spisa i radnji u okviru nadležnosti, te je došlo do izmjene i dopune Zakona i Tarife u 2013. godini.

Budući da je Tarifa sastavni dio ovog Zakona u kojoj se propisuje visina federalne upravne takse za pojedine spise i radnje, bilo je neophodno izvršiti usaglašavanje istih, u saradnji i na prijedlog nadležnih ministarstva.

Izmjene i dopune se odnose na potrebna usaglašavanja iznosa takse iz nadležnosti Federalnog ministarstva unutrašnjih poslova i ukidanje plaćanja takse za uvjerenje o stanju poreznih obaveza.

Usaglašavanje takse iz nadležnosti Federalnog ministarstva unutrašnjih poslova ima za cilj izjednačavanje iznosa plaćanja takse sa visinom plaćanje takse u Republici Srpskoj za sticanje državljanstva stranih državljana koji imaju priznat status izbjeglica u BiH sa iznosom u RS-u i uvođenje plaćanja takse za posebnu saglasnost iz člana 26. Zakona o agencijama i unutrašnjim službama za zaštitu ljudi i imovine.

U cilju rasterećenja i smanjenja obaveza ukida se plaćanje takse za uvjerenje o stanju poreznih obaveza za podnosiocima zahtjeva, što omogućava lakši i jeftiniji pristup informacijama.

### **III. OBRAZLOŽENJE PREDLOŽENOG PRAVNOG RJEŠENJA**

U Tarifi, koja je sastavni dio ovog Zakona, izvršene su sljedeće izmjene i dopune, tako da je:

**U Tar. br. 7.** došlo je do usklađivanja takse za sticanje državljanstva stranih državljana koji imaju priznat status izbjeglica u BiH sa iznosom u RS-u i uvođenje plaćanja takse za posebnu saglasnost iz člana 26. Zakona o agencijama i unutrašnjim službama za zaštitu ljudi i imovine

**U Tar. br. 48.** ukida se plaćanje porezne takse za uvjerenje o stanju poreznih obaveza u iznosu 15,00 KM, omogućava se lakši i jeftiniji pristup informacijama o stanju poreznih obaveza za podnosiocje zahtjeva.

### **IV. FINANCIJSKA SREDSTVA**

Za provođenje ovoga Zakona nije potrebno osigurati sredstva iz Budžeta Federacije.

Tekst odredaba Zakona o federalnim upravnim taksama i Tarifi federalnih upravnih taksi („Službene novine Federacije BiH“, br. 6/98, 8/00,45/10 i 43/13) koji se mijenjaju ili dopunjuju

### **Tekst odredbi Tarifi federalnih upravnih taksi koji se mijenjaju ili dopunjuju**

#### Tar. br. 7.

- |  |        |
|--|--------|
| 1. Za rješenje o otpustu iz državljanstva ili odricanja od državljanstva Federacije. | 1000,- |
| 2. Za rješenje o primitku državljanstva  | 450,-  |

Napomena:

Ako se rješenje odnosi na istovremeni primitak ili otpust ili odricanje od Federacije državljanstva članova iste porodice ne plaća se taksa za maloljetne osobe.

Taksu iz tačke 2. ovog tarifnog broja o postupku o sticanju državljanstva ne plaća pripadnik naroda koji nema državljanstvo

- |  |       |
|--|-------|
| 3. Za rješenje o izboru ili promjeni entitetskog državljanstva   | 10,-  |
| 4. Za rješenje o prijemu u državljanstvo Federacije Bosne i Hercegovine putem naturalizacije maloljetnog djeteta, čiji je jedan roditelj stekao državljanstvo Federacije nakon rođenja djeteta | 100,- |
| 5. Za rješenje o prijemu u državljanstvo Federacije Bosne i Hercegovine putem naturalizacije maloljetnog djeteta, dvoje ili više maloljetne djece, putem naturalizacije plaća se taksa         | 100,- |

#### Tar. br. 48.

- |  |      |
|--|------|
| 1 . Za uvjerenja o stanju poreznih obaveza | 15,- |
|--|------|